



Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicas & Festa per annum**

Bernardus <Claraevallensis>

III. De mersione Naaman in Iordanæ &c. Item de septem Apparitionibus
Domini resurgentis.

urn:nbn:de:hbz:466:1-39254

De Resurrectione Domini, Serm. II. 255

voluptate carnis continentum dico. Ante omnia igitur perfectam hanc continentiam quære, quam debes tibi ipsi. Nemo enim tibi propinquior est. Dehinc adde misericordiam quam debes proximo, quia cum eo salvandus es. Deinde patientiam quam debes Deo, quia ab eo salvandus es. Omnes enim qui piè volunt vivere in Christo, persecutionem patientur ^a, & Per ^a 2. Tim. 3. e multas tribulationes oportet nos intrare in regnum cælorū ^b. Vide ergo ne per impatientiam pereas, sed universa pro eo sustine, qui prior maiora prote sustinuit, & apud quem infatuosa patientia non erit, sicut ait Prophetā ^c: Patientia pauperum non peribit in finem.

^a Continentia.
^b Misericordia.

^c Patientia.
3. Patientia.
a 2. Tim. 3. e
b Act. 14. d

^c Psal. 9. d

Porro hæc manus aromata nummo subiectionis emuntur. Hæc est quæ dirigit gressus nostros, & sanctæ conversationis gratiam promeretur. Nam si contraria lex inventa est in membris nostris per inobedientiam, quis nesciat per obedientiam continentiam dari? Ipsa quoque est quæ misericordiam ordinare novit, ipsa quæ patientiam & docet & donat. Cum his igitur aromatibus accede ad eum in quo fides mortua est. Verum si consideremus quām magnum sit ad nos, suscitare eum qui huiusmodi est, quām difficile sit vel accedere ad cor eius, quod lapidea quædam obstinatio & impudentia clausit, puto quod dicere habeamus & nos: *Quis revolvet lapidem ab ostio monumenti?* Attamen dum sic trepidi veremur accedere cunctantes ad tam grande miraculum, fit nonnunquam ut solita pietate præparationem cordis nostri audiat auris divina, & ad vocem virtutis eius resurgat qui erat mortuus. Et ecce Angelus Domini, hilaritas quædam in vultu illius tanquam in ostio monumenti nobis apparent, & catoris ad recifugor quidam index resurrectionis, ut aperte videatur facies eius immutata, accessum præbens nobis ad cor suum, imò & advocans, ipsumque obstinationis suæ revolvens lapidem, & sedens super eum? ita ut suscita fide ipsa, etiam linteamina quibus oboluta fuerat, ipse demonstret. Dumque omnia quæ in corde suo priùs actitabantur aperit, & confitetur quomodo seipsum sepelierat intus, ipsam tepiditatem & negligentiam d Matt. 28. a suam prodens, *Venite* (inquit) *& videte locum ubi positus erat Dominus* ^d.

Quam arduum sit, emendare peccantē.

Animus peccatoris ad recipiendam disciplinam præparatur divinitus.

TEMPORE PASCHALI.

De meritione Naaman septies in Iordanē, deque mundatione septemplicis lepræ. Item, de septem apparitionibus Domini resurgentis.

S E R M O III.

Sicut in corporum medicina priùs purgationes adhibentur, deinde refectiones, ut scilicet priùs exinaniantur corpus ab humoribus noxiis, de

II 3

hinc

hinc cibis sanioribus foveatur: sic medicus animarum Dominus Christus, cuius tota dispensatio quam exhibuit in carne, medicina salutis est, ante Passionem suam septem dedit purgationes, post Resurrectionem suam totidem cibos salubres pariter & suaves. Heliseus noster Naaman leprosum septies in Jordane mergi præcepit ^a, qui interpretatur descensus. In descensu Domini nostri IESU Christi, id est, in humanitate conversationis eius quam exhibuit ante Passionem, mundamur & purgabimur. In Resurrectione vero & vita, quam ostendit quadraginta diebus,

Christus animarum medicus.

*a 4. Reg. 5. a
Septem nob.
dedit purga-
tiones.*

*Septuplex le-
pra moraliter
expenditur.*

*1. Lepra;
Proprietas
possessionū.
Christi pau-
peria.*

b Luc. 9.

*2. Lepra,
gloria ves-
stium.*

*3. Lepra,
Voluptas
corporis.*

*4. Lepra,
murmura-
tia.*

f lla. 53.

*d 1. Pet. 2.
e 2. Cor. 10 d*

*5. Lepra,
lactantia.*

*f Luc. 4. F
g Matt. 9, d*

reficimur, & delectabilibus pascimur alimentis. Septempliciter enim occupavit nos lepra superbia in proprietate possessionum, in gloria vestium, in voluptate corporum, in ore quoque dupliciter, similiter & in corde. Prima est lepra, domus, qua divites esse volumus in hoc saeculo, sed ab ista mundamur si immergimur in Jordane, id est, in Christi descensu. Invenimus enim quoniam ille cum esset dives, propter nos pauper factus est. Descendit ab inenarrabilibus coeli divitiis, & veniens in mundum nec istas qualescumque divitias habere voluit, sed in tanta paupertate venit, ut natus continuo poneretur in praesepio, quia ei non erat locus in diversorio. Denique quis nesciat quoniam filius hominis non habebat ubi caput suum reclinaret ^b? Qui bene mergitur hic, quando queret divitias huius mundi? Et vere magna abusio, & magna nimis, ut dives esse velit vermiculus vilis, propter quem Deus maiestatis & Dominus Sabaoth voluit pauper fieri.

Porro in *lepra vestis*, omnem saeculi huius pomposam intellige vanitatem. Nam ab illa nihilominus in Jordanis mersione mundaberis ubi invenies Christum Domini vilibus pannis involutum, saeculum opprobrium hominum, & abiectionem plebis. A *lepra* quoque corporis mundamur in ipso Jordane, si bene cogitantes Dominicam passionem, erubescimus sequi corporis voluptatem. At in ore (ut diximus) duplex est lepra. Cum enim adversi quicquam contigerit, murmuramus, & impatientiae verbum tanquam lepræ sanies effluat: sed ab hac mundamur, si illum attendimus qui tanquam ovis ad occasionem ductus est, & non aperuit os suum ^c: qui cum malediceretur, non maledicebat: cum pateretur, non comminabatur ^d. In prosperis quoque contra eum qui dixit ^e: Non qui seipsum commendat, ille probatus est, commendamus nosipso, non in multa patientia, sed in arrogancia: & inquinat nos altera lepra, verbum jactantiae. Ut ergo mundemur ab illa, mergamur in Jordane, & imitemur eum qui non quererat gloriam suam. Unde & dæmonia quæ clamabant quia ipse esset Dei filius, præcipiebat obmutescere ^f; & illuminatos ex eos dicere prohibebat ^g.

In

De Resurrectione Domini, Sermo I. 257

In corde duplex est lepra, propria voluntas, & proprium consilium. Lepra utraque nimis pessima, eoque perniciosior, quò magis interior. Voluntatem dico propriam, quæ non est communis cum Deo & hominibus, sed nostra tantum, quando quod volumus, non ad honorem Dei, non ad utilitatem fratrum, sed propter nosmetipso facimus, non intendentis placere Deo & prodesse fratribus, sed satisfacere propriis moribus^{*} animorum. Huic contraria est recta fronte charitas, quæ Deus est. Hæc enim adversus Deum inimicitias exercens est, & guerram crudelissimam. Quid enim odit aut punit Deus præter propriam voluntatem? Cellet voluntas propria, & infernus non erit. In quem enim ignis ille deficiet, nisi in propriam voluntatem? Etiam nunc cum frigus aut famem, aut aliquid tale patimur, quid lreditur nisi propria voluntas? Quod si voluntarie sustinemus, ipsa jam voluntas communis est, sed infirmitas quedam & velut pruritus voluntatis adhuc de proprio est, & in illo omnes poenas sustinemus donec penitus consummatur. Nam voluntas illa propriè dicitur, cui assentimur, & cui se librum inclinat arbitrium. Hæc autem desideria & concupiscentiae, quæ invitox tenent, non voluntas, sed corruptio voluntatis est. Porrò voluntas propria quo furore Dominum majestatis impugnet, audiant, & timeant servi propriæ voluntatis. Primo namque sepiam & subtrahit & subducit eius dominatui, cui tanquam auctori servire jure debuerat, dum efficitur sua. Sed nunquid contenta erit hac injuria? Addit adhuc & quod in se est, omnia quoque quæ Dei sunt, tollit, & diripit. Quem enim modum ponit humana cupiditas? Nonne qui per usuram acquirit pecuniam modicam, similiter mundum lucrari conaretur universum, si non decesset possiblitas, si suppeteret voluntati facultas? Dico fiducialiter, nemini qui sit in propria voluntate, posset universus mundus sufficere. Sed utinam vel rebus istis esset contenta, ne in ipsum (horribile dictu) defæviret rectorem. Nunc autem & ipsum (quantum in ipsa est) Deum perimit voluntas propria. Omnino enim veller Deum peccata sua aut vindicare non posse, aut nolle, aut nescire. Vult ergo eum non esse Deum, quæ quantum in ipsa est, vult eum aut impotentem aut injustum esse, aut insipientem. Crudelis planè & omnino execranda malitia, quæ Dei potentiam, justitiam, sapientiam perire desiderat. Hæc est crudelis bestia, fera pessima, rapacissima lupa, & lexena sævissima. Hæc est immundissima lepra animi propter quam in Jordane mergi oporteat, & imitari eum qui non venit facere voluntatem suam; unde & in passione: *Non mea, inquit^b, voluntas, sed tua fiat.*

Lepra verò proprii consilii eò perniciosior est, quò magis occulta: & quanto plus abundat, tanto sibi quicunque sanior esse videtur. Hæc Consilium, illorum

6. *Lepra,*
propria vo-
luntas.

* *al. motib.*

*Propriæ vo-
luntatis peri-
cula & noui-
menta.*

*Propriæ vo-
luntas quam
in Deum ini-
qua & cru-
dels.*

*Deum quo-
dammodo per-
mit.*

b Luc. 22. c

7. *Lepra;*
proprium
Consilium.

*Pretinacia
propriis sensus
& iudicis per-
stringitur.*

illorum est qui zelum DEI habent, sed non secundum scientiam, sequentes errorem suum, & obstinati in eo, ita ut nullis velint consiliis quietcere. Hi sunt unitatis divisores, inimici pacis, charitatis expertes, vanitate tumentes, placentes sibi, & magni in oculis suis, ignorantes Dei justitiam, & suam volentes constituere. Et quae maior superbia, quam ut unus homo toti congregationi judicium suum præferat, tanquam ipse solus habeat spiritum Dei? *Idolatriæ scelus est non acquiescere, & quasi peccatum ariolandi repugnare* ⁱ. Errant nunc qui se faciunt religiosiores aliis: qui non sunt sicut cæteri hominum; ecce arioli, & idololatræ facti sunt, si tamen vel ei qui dixit hoc, plus quam sibi judicant esse credendum. Neque huic diffonat veritatis sermo, quem dixit ^e: *Si Ecclesiam non audierit, sit tibi sicut Ethnicus & publicans.* Sed ubi poterit hæc lepra mundari nisi in Jordane? Ibi mergere, quicunque hujusmodi es, & attende quid fecerit magni consilii Angelus, quomodo consilium suum postposuerit consilio, vel magis voluntati mulieris unius (beatam Virginem loquor,) & fabri pauperis, ipse est Joseph. Inventus enim in medio doctorum audiens eos & interrogans, quodanmodo increpatus à Matre est, *Fili quid fecisti nobis sic?* At ille, *Quid erat, inquit, quod me querebatis? Nesciebatis, quia in his qua Patris mei sunt oportet me esse?* At illi non intellexerunt verbum ^l. Et quid fecit Verbum? Non capiebatur in se, descendit, ita ut esset etiam subditus illis. Quis jam non erubescat obstinatus esse in consilio suo, quando suum Sapientia ipsa deseruit? Sic mutavit consilium suum, ut quod jam tunc cœperat, ex tunc usque ad tricesimum ætatis suæ annum prorsus dimiserit. Nihil enim ab hoc duodecimo anno de eius doctrina, vel operibus invenis usque ad annos triginta.

^m*Marc. 14.d*
ⁿ*Luc. 22.d*

*Quare Christus voluntatem suam no-
tuerit im-
plicari.*

^p*Matt. 26.c*

Sed forte quærendum ab ipso est quomodo voluntatem suam consiliumve reliquerit. O Domine, voluntas de qua dixisti ut non fieret, si bona non erat, quomodo tua erat? si bona erat, quare derelicta est? sic & consilium si non bonum, quomodo tuum? si bonum, quomodo relinquentum? Et bona erant, & eius erant, neque minus tamen relinquenda ob hoc videlicet ut fierent meliora. Neque enim oportebat propria præjudicare communibus. Erat ergo voluntas Christi, & bona erat, quæ dicebat: *Si fieri potest, transeat à me calix iste* ⁿ. Sede a, de qua dicebat, *fiat voluntas tua*, melior erat: quia communis non solum Patris, sed & Christi ipsius; (oblatus est enim, quia ipse voluit,) & nostra. Nisi enim granum frumenti cadens in terram mortuum esset, ipsum solum maneret, mortuum verò multum fructum attulit. Atque hæc voluntas Patris erat, ut videlicet haberet quos adoptaret in filios. Christi erat, ut sit ipse primogenitus in multis fratribus. Nostra erat, quia pro nobis faciebat

ut

De Resurrectione Domini, Sermo II. 259

ut redimeremur. De consilio idem dicimus. Christi enim erat, & bonum erat consilium illud quod ait ^o, *Quia in his quæ Patris mei sunt, oportet me esse.* Sed quia illi non intellexerunt, mutavit illud consilium, ut nos mundaret ab ea lepra quæ proprii consilii est. Exemplum enim dedit nobis, ut & nos ita faciamus. Nam ab initio noverat quid eslet facturus, sed voluit formam nobis huius humilitatis exhibere, ut ad lavandam pessimam hanc lepram divinū in seipso pararet Jordanem. Audiant igitur utrique pariter, qui propriæ voluntatis, & qui proprii consilii lepra fordanus: audiant quid spiritus dicat ecclesiis, brevi uno versiculo lepram utramque condemnans. *Sapientia*, ait, *quæ defusum est, primum quidem pudica est, contra propriæ voluntatis impuritatem; deinde pacifica, contra consilii proprii obstinatam rebellionem.*

^o Luc. 2. 8

^p Iacob. 5. 2

Cum ab his septem purgatus fuerit æger, tanquam post septem celas querat septem fercula quæ sunt septem Spiritus sancti dona. Porro sicut in vita Domini ante Passionem septem purgationes invenimus, sic & in apparitionibus septem quæ post Resurrectionem factæ leguntur, septem illa dona Spiritus sancti possumus invenire. In prima spiritum timoris accipe, quando mulieribus sanctis venientibus descendit Angelus de cœlo, & terræ motus factus est, ita ut ipsas timore perterritas oportuerit ab Angelo consolari ^q. In spiritu pietatis apparuit Simoni ^r, quia magna omnino & verè Domino JESU digna pietatis dignatio, quod ei quasi singulariter & ante cæteros dignatus est apparere, quem præcæteris de negatione eius rea conscientia confundebat: ut ubi abundavit delitum, superabundaret & gratia. In spiritu scientiæ duobus pergentibus in Emaus scripturas exposuit, incipiens à Moysi & Prophetis ^s. In spiritu fortitudinis januis clausis intravit ostendens manus & latus ^t, sicut solent in signum virtutis clypeorum foramina demonstrari. In spiritu consilii frustra in pescatione laborantes mittere in dexteram rete consuluit ^u. In spiritu intellectus aperuit illis sensum, ut intelligerent scripturas ^v. In spiritu sapientiæ die quadragesimo apparuit eis ^y, quando viuentibus illis elevatus est, & viderunt Filium hominis ascendentem ubi erat prius. Usque ad illam enim diem quasi per stultitiam prædicatiois salvos faciebat credentes: postquam vero coram eis ascendiit ad Patrem, jam cœpit sapientia declarari.

Septem fercula Christi.

Ex septem Apparitionibus Christi, septem dona Spiritus S. erunt.

^q Matt. 28.

^r Luc. 24.

^s Luc. 24.

^t Ioan. 20.

^u Ioan. 21. 2

^v Luc. 24. 8

^y Matt. 28.

Sermones S. Bernardi

Kk

IN

